



Universitätsbibliothek Paderborn

Liber De Prudentia Ivstorvm

Juan <de Jesús María>

Coloniae Agrippinae, MDCXIV

Cap. XXIII. Ostendit in nullo bono esse gloriandum.

[urn:nbn:de:hbz:466:1-46940](#)

seductores, & veraces: sicut qui ignoti,
& mihi cogniti: sicut nihil habentes,
& in sacrario cordis clauso, omne bo-
num possidentes: & gratia mea pleni,
ad beatissimam lucem gloriæ , festi-
nantes.

CAP. XXIII.

*Ostendit in nullo bono esse glorian-
dum.*

CONSIDERATE filij, miseri-
cordias meas, quæ confitentur mi-
hi , & mirabilia mea, quæ feci filijs ho-
minum Omne donum quatumvis par-
uum, aut magnum , de sursum est , de-
scendens à Patre lumen, qui gratis
vocavit vos in admirabile lumen su-
um. Nō enim vos priùs dilexistis eum,
sed ipse prior amore fidelissimo dile-
xit vos , & cælesti gratia sua preuenit
vos, & circumcidit præputium cordis
vestri, vt diligeretis eum totis affecti-
bus, & viribus. Et ego Unigenitus filius
eius, dedi vobis potestatem filios Dei,
preciosissima adoptione fieri , non ex-
pectans à vobis præueniri. Non enim
vos me elegistis, sed ego gratuitò ele-
gi vos,

gi vos, ante mundi constitutionem : vt
essetis sancti, & immaculati, confortes
infinitæ Iustitiae, & puritatis meæ. Gra-
tia mea estis quicquid estis; & nihil ha-
betis quod à dulcissimo Deo fratre, &
amico vestro nō acceperitis: & per me
habetis accessū, ad æternū Patrē meū:
à quo omnis paternitas in Cælo , & in
terra nominatur , & omnis pius affe-
ctus originem trahit. Per me non arde-
tis iam igne sempiterno, quem meru-
istis; & per me habetis spem inceden-
tem usquè ad interiora Dei, quam ego
impressi visceribus vestris. Per me à
gratia in qua statis, non excidistis ; &
versa non est in luctum inæstimabilis
lætitia vestra. Cum ergo sine me nihil
possitis facere, & ne vnam piam cogi-
tationem habere valeatis : cauete ne
bonis operibus, quæ ex gratia mea fa-
citis, exaltemini, & vanè vobis tribua-
tis altissimam gloriam meam. Cogita-
te, quid de se senserint charissimi ami-
cī mei , quorum memoria glorificor,
& delector. Certè Abrahā seruus me-
us, cui peculiarius amicitiæ signū de-
di, vix de se aliud estimauit, quam quod
esset

esset puluis, & cinis. Dauid verò ele-
ctus meus, ex humili loco vocatus, par-
uulus fuit in oculis suis: nequè vñquam
sibi tribuit misericordias meas, quas
in organis lētitiae, die, nocteque canta-
uit. Ne suremini laudem meā: sed lau-
dis hostias, super altaria cordium, in
simplicitate multa sacrificare. Agnosc-
cite, quid ex vobis sitis, filij Adæ, & a-
doptionem filiorum Dei castis oculis,
& puris manibus celebrate. Et place-
bit mihi sacrificium laudis, sicut dies
sæculi, & sicut anni antiqui, quando
pauci illi famosi amici mei, toto cor-
de, quæsierunt faciem meam & recen-
sebo vos inter maiores natu electissi-
mi populi mei.

C A P. X X I V.

*Docet vitam hanc esse Iustorum exi-
lium.*

EX quo peccauit Adā pater vester, fi-
lij charissimi, & malè usus est amq-
uissimo paradiſo, in quo posui eū, vt o-
peraretur, & custodiret illū, cæpit ipſe
cum filijs suis exul esse, & in regionem
longinquam proficiſci. Sed regionem
hanc laboribus, & angustijs plenam
pecca-